

**Protocol no. 104**  
**Sezzüda da mardi, 21 gün 2011, 20.00 – 22.30**

**Preschaints:** Jon Carl Rauch; Chasper Alexander Felix, Georg Salomon,  
Rico Zini (protocol)

**S-chüsats:** Marianne Werro-Lehmann e Jachen Andri Schmidt

**Protocol**

Il protocol no. 103 da la sezzüda dals 14 gün 2011.

**907 620.314.02 Mantegnimaint general da vias**  
**Lavurs da catram – Credit fr. 19'000.--**

Il schef da vias orientescha chi fetscha da bsögn da far in divers lös in cumün lavurs da catram. Il Cussagl cumünal decida da dar liber per quel scopo ün credit da fr. 19'000.--.

**908 790.581.03 Plan da quartier Flüs**  
**Entrada illa via da Flüs**

Il Cussagl cumünal piglia incunter l'orientaziun, ch'ün possessur da terrain vess gugent viss ün'otra soluziun a regard l'entrada previssa illa via da Flüs. El fa valair d'avair discutà la chosa cul cumün. Il Cussagl cumünal es però da l'avis, causa mancanza da documainta correspudenta, d'executar il proget tenor ils plans da quartier sancziunats.

**909 020.315 Mantegnimaint dals idrizs d'EED**  
**Cumprita da duos computers per l'administraziun**

L'actuar orientescha al Cussagl cumünal sur dal stadi actual dals idrizs d'EED da l'administraziun cumünala.

Il Cussagl cumünal decida da rimplazzar duos computers e da liber per quel scopo ün credit da fr. 6'000.-- (cumprais sun eir adattamaints da divers programs).

**910 620.311 Signalisaziun da vias e plazzas**  
**Tonnascha via champestra „Feldweg“**

La pulizia chantunala fa attent chi vain trafichà sülla via champestra „Feldweg“ cun maschinas agriculas las qualas surpassan per bainquant la tonnascha permessa.

Il Cussagl cumünal decida perquai da dozzar la tonnascha sün 18 tonnas e da limitar la larghezza sün meters 2.30 meters.

**911 830.318.02 Infrastructura piazza da sport**  
**Lavurs in connex culla piazza da sport – Credit fr. 17'000.--**

Il schef da fabrica orientescha chi gnia fat in connex culla piazza da sport seguaintas lavurs:

1. Fundamainta per la chamonna
2. Tabladüra frais-cha per la chamonna
3. Bügl
4. Pitschen plazzal da catram pel bügl
5. Diversas lavurs da cuntuoorns

Il Cussagl cumünal deliberescha il credit bsögnà.

**913 620 VIAS E PLAZZAS**  
**Dumondas per adöver da plazzas da parcar**

Il capo orientescha chi sajan entradas duos dumondas per pudair parcar permanent sün plazzas da parcar publicas in cumün.

Il Cussagl cumünal decida, causa s-charsdà da plazzas da parcar publicas in cumün, da na pudair gnir incunter a las dumondas.

**915 830 TURISSEM**  
**Collavuraziun ESTSA – Posta**

Il Cussagl cumünal conferma invers la Posta Svizra cha la posta da Sent dess gnir manada inavant sco agentura. Cul status d'agentura nu gess a perder uschè bler dal service public e cun üna collavuraziun (ESTSA) füssan garantidas a bastanza uras da fanestrigl per tuottas duos gestiuns. Il lö da las duos gestiuns (Posta ed Info Turissem) dess esser i'l stabilimaint da la posta existent.

L'actuar: